



Mette Arge-Hammeken, Naleraq
Inatsisartunut Ilaasortaq
inatsisartut@inatsisartut.gl

**Ittoqqortoormiit timmisartuussivigineqarnera pillugu § 37 naapertorlugu
apeqquteqaammut 2026-105-imut akissut**

Dato: 10-07-2026
Sagsnr.: 2026 - 11735
AKT-ID.: 26584279

Asasara Mette

Inatsisartut suleriaasianni § 37 naapertorlugu Ittoqqortoormiit
timmisartuussivigineqarnera pillugu Naalakkersuisunut apeqquteqaateqarputit.
Apeqqutitit uannit akineqartussatut innersuunneqarput. Apeqqutitit matuma kinguliani
ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1: Nerlerit Inaat aamma Island akornanni silaannakkut angallannermi
kiffartuussinissamik isumaqatigiissut atuuttoq allanngortinneqassappat,
Naalakkersuisut naliliinerat naapertorlugu qanoq aningaasatigut naleqassava,
taamaalilluni Ittoqqortoormiunut aammalu Ittoqqortoormiinit angalanissamut
pisariaqartitsisut takornarianit ulikkaaqqasuni arlaleriarlutik
inissaqartinneqanngitsoortarnissaat pinngitsoortinneqarsinnaaqqullugu?**

Akissut: Nerlerit Inaata aamma Islandip akornanni timmisartuussineq,
kiffartuussinissamik isumaqatigiissut tunuliaqutaralugu Norlandairip isumagaa.
Kiffartuussinissamik isumaqatigiissut taanna taamaatinneqarsinnaanngilaq, 2027-milu
juunip naanerani atorunnaarnissaata tungaanut atuulluni.

Kiffartuussinissamik isumaqatigiissutit atorunnaarsinneqarnissaanut imaluunniit
isumaqatiginninniutigineqaqinnissaanut massakkut tunngavissaqaranilu
tunngavilersuutissaqanngilaq. Tassunga aningaasartuutissat
paasissutissiissutigineqarssappata allannguutissat qulaajarneqartariaqarput
misissuqqissaarneqartariaqarlutillu. Taamak annertutigisumik misissuqqissaarnissaq §
37 naapertorlugu apeqquteqaatip sinaakkutaasa avataaniippoq, tak. Inatsisartut
suleriaasianni § 37, imm. 2.

**Apeqqut 1a: Naalakkersuisut sulissutiginiarpaat, najukkami innuttaasut
aqqutigineqartumi annertunerusumik salliutinneqartarnissaat?**

Akissut: Angalasut maani najugallit pitsaanerpaamik atugaqarnissaat qulakkiissallugu
Naalakkersuisut anguniarpaat. 2027-mi juulimit ilaasunik angallassinissaq pillugu
nutaamik kiffartuussinissamik isumaqatigiissusiorsinnaanermik massakkut
suliaqarnermi, angalasunut maani najugalinnut tapiissuteqarnissamut imaluunniit
bilitsinik qulakkeerinissamut periarfissat misissorneqarput.

**Apeqqut 1b: Naalakkersuisut peqatigisaanik qulakkeerniarlugu
suliniuteqassappat, allakkat, poortukkat nassiussallu allat pisariaqanngitsumik**

kinguaattooratik imaluunniit uninngatinneqartinnagit tiguisissusanut apuunneqartarnissaat?

Akissut: Nassiussat Nerlerit Inaanni amerliartuinnartut iliuuseqarfigiumallugit Naalakkersuisut ingerlatsisunik isumaqatigiissuteqarnermikkut, 2025-mi decembarimiilli arfineq-pingasunik ataavartumik saniatigut timmisartoqartitsinikuupput.

Nassiussat amerliartornerini unammillernartoq, 2027-mi juulimit kiffartuussinissamik isumaqatigiissutissami isumaliutigineqarlunilu suliami ilaatinneqassaaq, nassuiaatissamilu Inatsisartut UPA2026/177-imi aalajangigaanni, 2027-mi upernaakkut saqqummiunneqartussami ersarissarneqassalluni.

Apeqquut 2: Silaannakkut angallannikkut kiffartuussinierup Ittoqqortoormiuni maannakkut atuuttumut mittarfiullu nutaap atuutilernissaata tungaanut pitsanngorsaanissamut periarfissaasinnaasut Naalakkersuisut takusinnaasaat suuppat?

Akissut: Ilaasunik angallassinermut kiffartuussinissamik isumaqatigiissutissap suliarineqarneranut ilaatillugu, periarfissat arlaqartut Naalakkersuisut misissorpaat. Ittoqqortoormiunut, Ittoqqortoormiiniillu angalasunut pitsanngorsaanissami periarfissat pillugit nassuiaammi periarfissat ilaatinneqassapput, tak. UPA2026/177.

Apeqqutitut 1a-mut aamma 1b-mut akissutit aamma takukkit.

Apeqquut 2a: Kiffartuussinissamik isumaqatigiissut atuuttoq allanngortinnagu suut aalajangersimasut aaqqiissutitut ivertinneqarsinnaappat?

Akissut: Nassiussat amerliartuinnartut assartorneqarnissaat qulakkeerniarlugu decembarimi, januaarimi, marsimi, apriliimilu saniatigut timmisartoqartitsisoqarpoq. Taassuma saniatigut akunninnissamut periarfissanik neqeroorumalluni, Akureyri pinnagu Reykjavikkimit sapaatip akunneranut ataasiarluni aallarissamut periarfissaq atuutsilersinneqarpoq.

Suliniutinut taakkununga aningaasartuutit, ilaasunik angallassinermut aningaasanut inatsimmi ukiumoortumik aningaasaliissutit sinaakkutaasa iluini aningaasartuutigineqarput. Kiffartuussinissamik isumaqatigiissutip massakkut atuuttup iluani saniatigut suliniuteqassagaanni, suliaasaqarfimmut qaavatigut aningaasaliissuteqaqqinnissaq Inatsisartunit akuerineqaqqaartaqariaqarpoq.

2027-mi juulimi Nerlerit Inaata timmisartuussivigineqarneranut kiffartuussinissamik isumaqatigiissutissaq, UPA2026/177-imi Inatsisartut aalajangiinerat naapertorlugu Naalakkersuisut peqquneqarlutik nassuiaasiassaannik aallaaveqassaaq.

Apeqquut 2b: Suut aaqqiissutit kiffartuussinissamik isumaqatigiissutip allanngortinneqarnissaanik pisariaqartitsissappat?

Akissut: Kiffartuussinissamik isumaqatigiissut pituttorsimavoq, tunngavissaqanngikkaannilu imaluunniit isumaqatiginninniutigineqaqqissasoq suleqatigiit kissaatiginnippassuk allanngortinneqarsinnaanani. Isumaqatiginninniutigineqaqqissappalli, suleqatigiillu isumaqatigiissinnaanngippata

tamanna kiffartuussinissamik isumaqatigiissummut akitsorsaataasinnaavoq imaluunniit atorunnaarsitsinermik kinguneqarsinnaalluni.

Apeqquut 2c: Pitsanngorsaatisat assigiinngitsut aningaasatigut qanoq naleqarnissaat Naalakkersuisut naliliiffigisimavaat?

Akissut: Nassuiaasiassamut siuliani eqqaaneqartumut nassuiaammut atortussanik, isummersuutinillu naleqquttunik Naalakkersuisut massakkut katersipput. Suliaq tamanna, 2027-p qiteqqunnerani kiffartuussinissamik isumaqatigiissutissap suliarineqarnissaani ilaatinneqassaaq. Pitsanngorsaataasinnaasunut aningaasartutissat massakkut annerusumik paasissutissiissutigineqarsinnaanngillat.

Apeqqutitut 2a-mut aamma 2b-mut akissutit aamma takukkit.

Apeqquut 3: Naalakkersuisut qulakkeerniarlugu suliniuteqassappat, Nerlerit Inaat aqutugalugu Ittoqqortoormiunut aammalu Ittoqqortoormiinit silaannakkut angallannermi kiffartuussinissamik isumaqatigiissummut allannguutissanik aalajangiisoqannginnerani Ittoqqortoormiuni innuttaasut pisariaqartitaat kissaatigisaallu pillugit tusarniaaffigineqarnissaat?

Akissut: 2026-mi septembarimi Ittoqqortoormiunut tikeraarnissaq, innuttaasunillu ataatsimiisitsinissaq massakkut pilersarusiorneqarpoq. Suliat attuumassuteqartut pillugit, matumani aamma ilaasunik angallassinermut kiffartuussinissamik isumaqatigiissutissamik suliaqarnermut Ittoqqortoormiuni innuttaasut akuutinneqarnissaat, isummersuuteqarnissaallu qulakkeerneqarnissaa tikeraarnissami, innuttaasunillu ataatsimiisitsinissami siunertaavoq.

Apeqquut a: Naalakkersuisut qanoq innuttaasut peqataatinniarpaat?

Akissut: Apeqquut 3-mut akissut aamma takuuk.

Apeqquut b: Maannakkut kiffartuussinermut innuttaasut misilittagaat, matumani timmisartuussinerit ulikkaaqqasarnerat, nassiussat kinguaattoortarnerat aammalu pisariaqartumik angalanissamut periarfissat killeqartarnerat ilanngullugit nalilersuinnermi ilaatinneqassappat?

Akissut: Apeqquut 3-mut akissut aamma takuuk.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga

Iddimangiiu Jensen Bianco

Iddimangiiu Jensen Bianco